

Rambo, 13j.




suechet es nöiis Daheime i Wohnigshautig

Sali zäme

Ig bi dr Rambo, abr heisse nur so, ig bi chei Rambo, dr Name passt eigentlech gar nid. Ig bi ganz en Liebr, ährlech! Abr ou en Truurigr, wiu ig es nöiies Daheime muess sueche. Warum? Mis liebs Froueli isch verschtorbe u itze bin ig ganz allei uf diesere Wäut. E liebi Fründin het mi ufgnoh, abr sy cha mi nid uf Duur bhaute. Drum!

Ig bi 13jährig, kaschtriert, gimpft (grundimmunisiert), gsung, fit u muntr, schtuberein u guet erzoge. Ig bi en ganz en pflägelichtr Chatr, sähr aahänglech u mönschebezoge, ganz uuchompliziert. Ig liebe Schmüsele u bi ou ganz sampft u liebevou. Mi chasch sogar ummetrage, ig chratze u biise nid. U ig bi sähr nöigiirig. We Du mi chommsch bsueche, denn chumme ig ganz sichr füre u beschnuppere Di. Wiu doch wisse, wer Du bisch u wie Du bisch. Wäge mineri Nöigiir bruuche ig ou unbedingt en Baukon. Ufm Baukon höckle u luege, das isch fascht wie Krimi, es geit immr öppis dört dusse. Abr er muess gsicheret sy, dr Baukon, nid dass ig mi mou vergäss u abechei. En gsicherete Garte wär ou öppis. Ganz Freigang chenn u bruuch ig nid. Hung u Chatz ou nid, ig bi gärn allei im Mittupunkt. Grösseri Ching so ab 10i sy ou okey, nur chliini liebr nid, sy mir z'schträssig. Ig bi s'ideaue Büsi für Pensionär odr Teilziitr odr Homeofficeler. Houptsach, öppr isch vii daheime.

Ig sueche wiedr es Daheime bi so liebi Lüüt, wie mis Froueli eis isch gsii. Bisch Du villiicht pensioniert u oft daheime? Hesch Du en Baukon mit ere inträssante Uussicht? U möchtisch Du mi, nur mi ganz allei, uf Läbänsziit verwöhne? Suechsch Du nach eme Rambo, der gar chei Rambo isch? Der nur so heisst? Denn bin ig dr Richtig für Di, denn müeset mir üs unbedingt lehre chenne. Ig wohne im Moment no z'Bern/BE, züggle aber gärn zu Dir, wo ou immer Du wohnsch. Mäud Di doch bitte ganz gly bi dr Sonja Ball. Sie het sich mir agno u suechet für mi das nöiie Plätzli. Ig luege scho emou, bisch Du das dört?



Din Rambo



Katze sucht Mensch - Mensch sucht Katze

Sonja Ball

Tel.Nr. 079 333 45 62 (Mo-Fr 18-20h)

kontakt@katze-sucht-mensch.ch